

Broj: 05-02-35-15/2021-10-1  
Sarajevo, 21.04.2021. godine

Na osnovu člana 70. st. (1) i (4), a u vezi sa članom 69. stav (2) tačka d) Zakona o javnim nabavkama („Službeni glasnik BiH“, broj: 39/14), sekretar Vlade Federacije Bosne i Hercegovine, donosi

**O D L U K U**  
**O PONIŠTENJU POSTUPKA JAVNE NABAVKE ROBA – NABAVKA KOMPJUTERSKE OPREME I  
KANCELARIJSKIH MAŠINA ZA POTREBE GENERALNOG SEKRETARIJATA VLADE  
FEDERACIJE BOSNE I HERCEGOVINE  
(LOT 3 – NABAVKA ROBA – KANCELARIJSKE MAŠINE)**

**I.**

Poništava se postupak javne nabavke: Konkurentski zahtjev za dostavu ponuda za javnu nabavku roba - nabavka kompjuterske opreme i kancelarijskih mašina za potrebe Generalnog sekretarijata Vlade Federacije Bosne i Hercegovine (LOT 3 – nabavka roba – kancelarijske mašine), evidencijski broj nabavke: 05-02-35-15/2021-1 od 12.03.2021. godine, broj Obavještenja o nabavci sa Portala javnih nabavki: 854-7-1-25-3-6/21 od 12.03.2021. godine, s obzirom da nijedna od primljenih ponuda nije prihvatljiva.

**II.**

Odluka stupa na snagu danom donošenja i objavit će se na web stranici Vlade Federacije Bosne i Hercegovine – Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

**O b r a z l o ž e n j e**

Postupak nabavke pokrenut je Odlukom o pokretanju postupka javne nabavke, broj: 05-02-35-15/2021 od 08.03.2021. godine. Javna nabavka provedena je putem Konkurentskog zahtjeva za dostavu ponuda. Predmet nabavke podijeljen je na tri LOT-a čija je ukupna procijenjena vrijednost nabavke iznosila 19.600,00 KM bez PDV-a. Procijenjena vrijednost nabavke za LOT 3 iznosila je 5.200,00 KM bez PDV-a.

Obavijest o nabavci, broj: 854-7-1-25-3-6/21 poslana je na objavu 12.03.2021. godine, te je istog dana objavljena na portalu Javnih nabavki.

Tendersku dokumentaciju je preuzelo 36 (tridesetšest) privrednih subjekata, a 2 (dva) ponuđača dostavila su ponude u predmetnom postupku nabavke za LOT 3.

Sve ponude su blagovremeno pristigle. U skladu sa provedenim predmetnim postupkom javne nabavke, ponude za LOT 3 su dostavili sljedeći ponuđači: INTER-COM d.o.o. Zenica i TeleGroup d.o.o. Sarajevo.

Komisija za javne nabavke, imenovana Rješenjem, broj: 05-30-36-R-5/2021 od 09.03.2021. godine, izvršila je pregled i ocjenu ponuda, te konstatovala da su obje primljene ponude ocijenjene kao neprihvatljive.

Ponuda ponuđača INTER-COM d.o.o. Zenica odbačena je iz sljedećeg razloga:

- u Aneksu 3b - OBRAZAC ZA CIJENU PONUDE – ROBE (KANCELARIJSKE MAŠINE): U tabelarnom prikazu pod rednim brojem 2. SKENER u rubrici „Tehnička specifikacija“, između ostalog, traženo je: „- ADF scan speed: min. 50 ppm/100 ipm (black&white,colour,greyscale,200dpi)“.

Pregledom Ponude odnosno tehničke specifikacije konstatovano je da ponuđeni skener ima “scan speed: 45 ppm / 90 ipm”, što ne odgovara tehničkoj specifikaciji iz Tenderske dokumentacije.

Ponuda ponuđača Telegroup d.o.o. Sarajevo odbačena je iz sljedećih razloga:

- Predmet nabavke, Ugovorni organ je podijelio na LOT-ove. U skladu sa članom 12. stav (4) Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15) propisano je: „(4) Ukoliko se dokazi da ne postoje razlozi za isključenje dostavljaju u posebnoj koverti, kandidat/ponuđač je dužan tu kovertu sa dokazima da ne postoje razlozi za isključenje i kovertu sa ponudama za sve lotove za koje dostavlja ponude dostaviti u jednoj zajedničkoj koverti, na kojoj će izričito naznačiti šta je sadržaj te kovertu.“ Tenderskom dokumentacijom propisano je: „Ponuđač može dostaviti ponudu za sve LOT-ove ili samo za jedan LOT. Ponuđač koji dostavlja ponude za sve LOT-ove može dokumente kojima dokazuje da ne postoje razlozi za isključenje i dokaze sposobnosti koji su zajednički za sve LOT-ove dostaviti na sljedeći način: • u posebnoj koverti na kojoj će jasno naznačiti da dostavlja dokaze za kvalifikaciju; ili • uz ponudu koja je prva po redosljedu LOT-ova na koji se prijavljuje; ili • posebno za svaki LOT. Ostali dokumenti i dokazi koji se podnose za pojedini LOT moraju se dostaviti u ponudi za taj LOT.“

U skladu sa navedenim, nedvosmisleno se daje zaključiti da se ponuda za svaki LOT dostavlja u posebnoj koverti.

Pregledom Ponude konstatovano je da Ponuda za LOT 3 nije dostavljena u posebnoj koverti kako je propisano.

- u Aneksu 3b - OBRAZAC ZA CIJENU PONUDE – ROBE (KANCELARIJSKE MAŠINE): U tabelarnom prikazu pod rednim brojem 2. SKENER u rubrici „Tehnička specifikacija“, između ostalog, traženo je: „- ADF scan speed: min. 50 ppm/100 ipm (black&white,colour,greyscale,200dpi)“.

Pregledom Ponude odnosno tehničke specifikacije konstatovano je da ponuđeni skener ima “scan speed: 45 ppm / 90 ipm”, što ne odgovara tehničkoj specifikaciji iz Tenderske dokumentacije.

Nakon izvršenog pregleda i ocjene ponuda, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 05-02-35-15/2021-10 od 20.04.2021. godine i preporuku za donošenje odluke o poništenju postupka.

Uzimajući u obzir naprijed navedeno, a shodno članu 69. stav (2) tačka d) Zakona o javnim nabavkama („Službeni glasnik BiH“, broj: 39/14), odlučeno je kao u dispozitivu ove odluke.

#### **POUKA O PRAVNOM LIJEKU:**

Protiv ove odluke, ponuđači koji su učestvovali u postupku nabavke mogu izjaviti žalbu Uredu za razmatranje žalbi Bosne i Hercegovine, putem Ugovornog organa – Generalnog sekretarijata Vlade Federacije Bosne i Hercegovine u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke.



**SEKRETAR VLADE**

**mr. sc. Edita Kalajdžić**

Dostaviti:

1. Svim ponuđačima u postupku
2. U dokumentaciju Komisije
3. Sektoru za pravne i opće poslove
4. Sektoru za materijalno-finansijske poslove